

Sechber bos as ist passiart en jor as ist laischiar verpai

Vi raccontiamo dell'anno che sta finendo e delle aspettative per il 2020 per la nostra comunità

An ònders jor ist laischiar garift.... Haier aa, af de leist sait van jor, stell ber enk vour sèll as ist passiart en jor as ist laischiar verpai... S ist an vurm za denken sèll as ist passiart ont magari schoa' vergessn ist...

Gabiss bar ber denken s doi 2019 abia s jor van groasa òrbet derno en Vaia... S ist nèt a laichts jor gaben. De ben, de balder, òlla de schon as de Vaia hòt se mitrong. Ober ber sai' stòrcha lait, ber hom ens schubet organisiart ont an tritt no en ònder sai ber schoa' vèrr aribart. Ber vòngen u' za sechen de resultatn va de doi òrbet. De ben sai' laischiar òlla en plòtz galeik, s holz ist vortrong kemmen ont men vònk u' za sechen s rif va de doi òrbet. Vraila hòt s nou vil za tea' ober ber ssai' vroa van òlls sèll as ist pis iaz gatun kemmen. Gea ber envire za kontarn enk van an ònder projekt: der Start-up Bersntol. Ber hom enk schoa' kontart gahòp van doi projekt as bell bèrt ont kròft gem en idee va impreditoria en de inser gamoa'schòft. S ist an projekt as ist enviretrong kemmen van gamoa'n Vlarotz, Garait, Palai en Bersntol, Schandurschl ont Valisn zòmm pet de hilf va Trentino Social Tank. De

amministraturn van tol sai' konvintat as ber hom en inser tol groasa moglechketn va impresa. S ist lai noat za verstea' de moglechket ont za trong sa envire zòmm pet de hilf va lait as kenn se aus en doi tema ont as meing ens de strumntn gem ver za trong envire de idea. Haier sai' kemmen organisiart merer trèffen ont der projekt bart enviregea' an ònders jor. Za gea' envire, klòff ber van Bètsche as sai' aribart pis ka Venezia haier! Der Unpli, as ist de vraischòft van òlla de Pro Loco van Balschlònt, organisiart der projekt "Carnevali della tradizione" as ist an vurm ver za lònge sechen ont za gem bèrt en de lokaln praich. Haier sai' kemmen inngalònt der grupp va Tricarico en Basilicata, Ottana en Sardegna, Lecce ver de Puglia, San Giovanni in Persiceto ont Civitella di Romagna ver de Emilia-Romagna, Padova ver en Veneto ont de Bètsche va Palai ver en Trentin. Òlla de gruppn hom gameicht derstelln en de lait a kurza rappresentazion van sèll as passiart en sai'negen derver. Dòra, en moi bail en Trento film festival ist kemmen organisiart ka Trea't de ausstell "rifugioPLUS. Vivere la Media Montagna - Case per un Alpinista in Alta Valle dei Mòcheni".



En doi ausstell sai' kemmen sechen galòt de modelln va haus as sai' kemmen veròrbet va de Universitet va Ingenieria va Trea't. De naieket ist as se hom ganommen s inser Tol, ot iberhaupt de gamoa' van Palai, ver za veròrbetn de doin modelln va haiser en de kloa'n derver as de pèrng. Ont en summer, abia òlbe, sai' kemmen ugatun de museen van Tol as sai' organisiart unter en nu'm va "Bersntoler Museum". Haier hòt s gahòp a naieket bavai de enteressaretn hom gameicht

pasuachen òlla de sitzn van museem pet a zeitl aloa'. Dòs ist meglech gaben gèltsgott en a konvencion zbischn s Kulturinstitut, der museum va Schandurschl ont de Gamoa' va Palai. Dòra, gèltsgott en zuazol van Gasetz 482/99, de drittn klassn va mearer schualn va sprochminderhait hom gamòcht a elektronisches puach pet a beirterpuach en de aigene sproch. S inser edizion, as ist kemmen enviretrong va de Earsteschual va Vlarotz, hoast "De ingern gschicht". Leistagest ist garift pet an moment va

fest en Palai bavai de Pompiarn, zòmm pet de lait ont vil òndra kollegen, hom gameicht innbaichen de nai autobot. En herbest, abia òlbe, en de schual va Vlarotz sai' kemmen organisiart de kursn va bersntolerisch. Dòra, haier aa ist kemmen organisiart van Bersntoler Kulturinstitut der konkurs "3X1". S ist an konkurs as hòt der zil za gem bèrt en de sproch. Der praisaustaal hòt se gahòltn en schamikeal en Vlarotz zòmm pet de vourstell van puach as de kirch va Auserpèrg. Dòra an òndra naieket. En herbest ist garift der kontratt van zboa strukturn "Kaserbischitt" ont "Van Spitz". S ist kemmen gamòcht a gara ont òlla peada de strukturn sai' kemmen gabungen va a ditta va Persn as hòt schoa' u'pfònk en de struktur va Garait. De earstn van doi mu'net ver de insertn kinder ist kemmen za vinnen ens der Nikolaus. En Palai kimm er haus ver haus ont en Vlarotz asn plòtz. Dòra, en Garait, ist kemmen de S. Luzia aa. Ont iaz bòrt ber Bainechn ont dòra, pet de Stela as kimm en de insertn haiser, bar ber griasn s jor as kimm.

LORENZA GROFF

Un progetto per recuperare l'attività di estrazione della resina di larice Alla ricerca del *Larget*

Un interessante progetto sta prendendo il via in questi giorni in Valle... si tratta di un tentativo di recupero della tradizionale attività di estrazione della resina di larice, un tempo attività diffusissima ed economicamente rilevante, di cui sono rimasti solo pochi testimoni. Quello dell'estrazione della resina è un antico mestiere, che oggi in pochi sanno ancora fare. L'iniziativa ha preso il via a seguito della proposta di Paola Barducci, Dottore forestale e Accompagnatore del territorio che ha proposto all'amministrazione comunale di Palù/Palai di poter recuperare, sui boschi comunali, quest'antica pratica a scopo prettamente didattico. La proposta è stata accolta favorevolmente e in accordo con il Distretto forestale si è provveduto nei



giorni scorsi ad individuare un'area idonea e delle piante che avessero e caratteristiche ideali. Nei giorni scorsi quindi, gli interessati, si sono recati in località Baldal dove hanno individuato alcune

piante di diametro sufficiente ma non particolarmente caratteristiche e hanno praticato il foro alla base di queste. L'estrazione della resina prevede che venga praticato un foro alla base della pianta, poi coperto con un tappo in legno di larice. Quindi, viene raccolta la resina che si è depositata. La resina estratta dal larice veniva raccolta e utilizzata anche come rimedio naturale. Oggi trova impiego in molti settori dalla distillazione della resina si ricava la trementina, impiegata per usi di tipo farmaceutico e nella preparazione di creme e unguenti. Viene utilizzata anche nelle pitture e nelle vernici. Una volta, veniva impiegata per il trattamento del legname.




VINN DE BEIRTER 45 BAINECHTZAIT

I	O	H	K	K	S	G	R	B	R	B	D	I	I	P
N	G	C	O	R	Y	H	E	A	D	A	K	A	P	S
D	M	L	S	I	'	P	B	I	S	I	N	G	E	N
E	W	D	K	S	U	M	A	N	M	S	R	W	F	R
R	H	N	R	T	H	T	I	E	U	Ò	Z	Q	S	F
P	R	I	I	P	L	J	N	C	C	S	C	D	K	W
Ò	O	K	T	A	I	R	E	H	X	U	T	H	D	G
C	J	T	T	'	P	A	C	T	P	U	M	E	T	O
H	I	S	Y	M	S	C	H	N	M	H	Z	U	L	O
B	A	I	N	E	C	H	T	N	S	T	E	R	N	A
V	N	R	S	W	S	M	N	Ò	T	T	M	N	G	J
E	Q	K	L	X	X	O	C	C	E	M	P	D	F	E
D	Y	N	K	O	V	L	S	H	I	F	D	W	J	R
E	T	K	R	Ò	N	Z	V	T	T	L	V	F	Y	V
R	M	Q	P	P	E	A	U	S	E	R	P	Ò	C	H

AUSERPÒCH
BAINECHTN
BAINECHTNNÒCHT
BAINECHTNSTERN
GEIMÒCHTO
INDERPÒCH
KOSKRITT
KRISTKINDL
KRISTPA'M
KRÒNZ
NAIJOR
RACHMOL
SCHANTÒNDERER
SINGEN
SPAKADA
SPILHU'

STELA
TEIT
VEDER
VOSNÒCHT



DATN: BERSNTOLER BEIRTERPÖNK - 45- WWW.BERSNTOL.IT
Gamòcht va: Lorenza Groff